

Ո Ր Ո Շ ՈՒ Մ

ՎԱՐՉԱԿԱՆ ՏՈՒՅԺ ՆՇԱՆԱԿԵԼՈՒ ՄԱՍԻՆ

« 21 » հուլիսեմբեր 2020թ.

N Վ 42/22

1. Վարչական իրավախախտման վերաբերյալ գործի նկարագրությունը, վարչական ակտն ընդունելու համար հիմք հանդիսացող փաստերը.

Երևանի քաղաքապետարանի աշխատակազմի հասարակական կարգի պահպանության ծառայության աշխատակից Գ. Ղափլանյանի կողմից 20.03.2020 թվականին հայտնաբերվել է Վարչական իրավախախտումների վերաբերյալ օրենսգրքի (հետայսու՝ Օրենսգիրք) 157.15-րդ հոդվածի 3-րդ մասով նախատեսված վարչական իրավախախտում, մասնավորապես՝ կառուցապատող Դավիթ Քաջիկի Ահարոնյանի կողմից Խաղաղ Դռնի փողոցի հ. 9/1 հասցեում հասարակական նշանակության օբյեկտի կառուցման համար նախատեսված շինարարական հրապարակը պատշաճ կազմակերպված չէ, մասնավորապես ժամանակավոր սահմանազատող ցանկապատը պատշաճ կազմակերպված չէ, որի վերաբերյալ 20.03.2020 թվականին կազմվել է վարչական իրավախախտման վերաբերյալ թիվ 033941 արձանագրությունը (հետայսու՝ արձանագրություն):

Որպես իրավախախտման փաստը հաստատող ապացույց, իրավախախտման հայտնաբերման պահին լուսանկարվել է իրավախախտման վայրը:

Հայտնաբերված իրավախախտման փաստով Երևանի քաղաքապետարանի նախաձեռնությամբ հարուցվել է վարչական վարույթ:

Նկատի ունենալով այն հանգամանքը, որ աշխարհում և Հայաստանի Հանրապետությունում նոր կորոնավիրուսային հիվանդության տարածման կապակցությամբ ՀՀ կառավարության 2020 թվականի մարտի 16-ի «Հայաստանի Հանրապետությունում արտակարգ դրություն հայտարարելու մասին» թիվ 298-Ն որոշմամբ հայտարարվել է արտակարգ դրություն՝ Հայաստանի Հանրապետության ամբողջ տարածքում՝ 2020 թվականի մարտի 16-ից՝ ժամը 18:30-ից սկսած, մինչև 2020 թվականի ապրիլի 14-ը՝ ժամը 17:00-ն ներառյալ ժամկետով, որին հաջորդել է Հայաստանի Հանրապետության ամբողջ տարածքում հայտարարված արտակարգ դրության գործողության ժամկետը երկարաձգվելու մասին ՀՀ կառավարության 2020 թվականի ապրիլի 13-ի թիվ 543-Ն որոշումը, համաձայն որի արտակարգ դրության գործողության ժամկետը երկարաձգվել է մինչև մայիսի 14-ը՝ ժամը 17:00-ն ներառյալ, հետևաբար հարուցված վարչական վարույթը «Վարչարարության հիմունքների և վարչական վարույթի մասին» օրենքի (հետայսու՝ Օրենք) 49-րդ հոդվածի 2-րդ մասի հիմքով 25.03.2020 թվականի հ. Վ-12/14 որոշմամբ կասեցվել է մինչև 2020 թվականի ապրիլի 14-ը՝ ներառյալ, իսկ 15.04.2020 թվականի հ. Վ-15/205 որոշմամբ՝ հարուցված վարչական վարույթի կասեցման ժամկետը երկարաձգվել է մինչև 2020 թվականի մայիսի 14-ը՝ ներառյալ: Նշված ժամկետային ընդունված որոշումները ներկայումս հանդիսանում են ուժը կորցրած իրավական ակտեր:

Հաշվի առնելով այն հանգամանքը, որ Հայաստանի Հանրապետության կառավարության 2020 թվականի ապրիլի 14-ի թիվ 543-Ն որոշմամբ Հայաստանի Հանրապետությունում հայտարարված արտակարգ դրության ժամկետը Հայաստանի Հանրապետության կառավարության 2020 թվականի մայիսի 14-ի թիվ 729-Ն որոշմամբ երկարաձգվել է մինչև 2020 թվականի հունիսի 13-ը՝ ժամը 17:00-ն ներառյալ ժամկետով, սակայն նկատի ունենալով այն հանգամանքը, որ Հայաստանի Հանրապետության պարետի կողմից ազատ տեղաշարժի խիստ սահմանափակումները վերացվել են, հետևաբար վերացել է սույն վարչական վարույթի կասեցման համար հիմք դարձած հանգամանքները:

Վարչական իրավախախտման գործով հարուցված վարչական վարույթի շրջանակներում գործի փաստական հանգամանքների քննարկմանը կառուցապատող Դավիթ Ահարոնյանի մասնակցությունը ապահովելու նպատակով Երևանի քաղաքապետարանի կողմից միջոցներ են ձեռնարկվել կառուցապատող Դավիթ Ահարոնյանին Երևանի քաղաքապետարանում կայանալիք նիստերի վերաբերյալ ծանուցելու համար, սակայն ծանուցագրերը չեն հանձնվել՝ վերջինիս չհայտնաբերելու պատճառով:

Հաշվի առնելով, որ Օրենսգրքի դրույթներով չեն կանոնակարգվում վարչական իրավախախտման վերաբերյալ վարույթների կասեցման դեպքերը, հիմքերն ու կարգը, և այդպիսի կարգավորումները սահմանվում են Օրենքով, ուստի ղեկավարվելով Օրենքի 49-րդ հոդվածի 1-ին մասի «բ» կետով՝ 20.03.2020 թվականին կազմված հ. 033941 արձանագրության հիման վրա հարուցված վարչական վարույթը 25.06.2020 թվականի հ. Վ-25/89 որոշմամբ կասեցվել է:

Վարչական իրավախախտման գործով հարուցված վարչական վարույթի շրջանակներում գործի փաստական հանգամանքների քննարկմանը կառուցապատող Դավիթ Քաջիկի Ահարոնյանի մասնակցությունը ապահովելու նպատակով Երևանի քաղաքապետարանի կողմից կրկին միջոցներ են ձեռնարկվել կառուցապատող Դավիթ Քաջիկի Ահարոնյանին Երևանի քաղաքապետարանում կայանալիք նիստերի վերաբերյալ ծանուցելու համար, սակայն ծանուցագրերը հնարավոր չի եղել հանձնել վերջինիս չհայտնաբերելու պատճառով:

Վարչական իրավախախտման գործի վերաբերյալ 19.08.2020 թվականի հ. Վ-33/57, 14.10.2020 թվականի հ. Վ-41/22 որոշումներով քաղաքացի Դավիթ Քաջիկի Ահարոնյանի նկատմամբ կասեցված վարչական վարույթը վերսկսվել է:

Վարչական իրավախախտման գործի վերաբերյալ 19.08.2020 թվականի հ. Վ-33/68, 4.10.2020 թվականի հ. Վ-41/30 որոշումներով կասեցվել է 20.03.2020 թվականին քաղաքացի Դավիթ Քաջիկի Ահարոնյանի նկատմամբ կազմված հ. 033941 արձանագրության հիման վրա հարուցված վարչական վարույթը:

Վարչական իրավախախտման գործով հարուցված վարչական վարույթի շրջանակներում գործի փաստական հանգամանքների քննարկմանը կառուցապատող Դավիթ Քաջիկի Ահարոնյանի մասնակցությունը ապահովելու նպատակով Երևանի քաղաքապետարանի կողմից կրկին միջոցներ են ձեռնարկվել կառուցապատող Դավիթ Քաջիկի Ահարոնյանին Երևանի քաղաքապետարանում կայանալիք նիստերին ծանուցելու համար, սակայն ծանուցագրերը հետ են վերադարձվել:

Կառուցապատող Դավիթ Քաջիկի Ահարոնյանի լիազորված անձ Արմեն Քաջիկի Ահարոնյանը 16.10.2020 թվականին ներկայացել է Երևանի քաղաքապետարան և վերջինիս հանձնվել է 21.10.2020 թվականին կայանալիք նիստին մասնակցելու վերաբերյալ հ. 010754 ծանուցագիրը:

Կառուցապատող Դավիթ Քաջիկի Ահարոնյանի լիազորված անձ Արմեն Քաջիկի Ահարոնյանը, ծանուցված լինելով 21.10.2020 թվականին կայանալիք գործի քննության տեղի և ժամանակի մասին՝ չներկայացավ, ուստի Օրենսգրքի 267-րդ հոդվածի 1-ին մասի համաձայն գործը քննվեց վերջինիս բացակայությամբ:

Գործի քննության ընթացքում՝ որպես մեկ համակցություն, հետազոտվեցին արձանագրությունը, 03.09.2019 թվականի հ. 01/18-Ա-8829-1081 շինարարության թույլտվությունը, շինարարական հրապարակի կազմակերպման սխեման, Երևանի քաղաքապետարանի աշխատակազմի հասարակական կարգի պահպանության ծառայության պետի 16.06.2020 թվականի հ. 51/44-31835, 28.07.2020 թվականի հ. 51/44-31835, 28.08.2020 թվականի հ. 51/44-31835, 15.09.2020 թվականի հ. 51/44-45875 գրությունները, Երևանի քաղաքապետարանի աշխատակազմի քաղաքաշինության և հողի վերահսկողության վարչության պետի 04.09.2020 թվականի հ. 19/45875 գրությունը, Երևան քաղաքի Դավթաշեն վարչական շրջանի ղեկավարի 15.06.2020 թվականի հ. 29/01-56763 գրությունը, լիազորագիրը և իրավախախտման լուսանկարը:

Գործի փաստական հանգամանքների և դրանում առկա բոլոր ապացույցների բազմակողմանի, լրիվ և օբյեկտիվ հետազոտման արդյունքում հիմնավորվեց, որ կառուցապատող Դավիթ Քաջիկի Ահարոնյանի կողմից Խաղաղ Դոնի փողոցի հ. 9/1 հասցեում հասարակական նշանակության օբյեկտի կառուցման համար նախատեսված շինարարական հրապարակը ժամանակավոր սահմանազատող ցանկապատը պատշաճ կազմակերպված չէ, ինչը բերում է շինարարական հրապարակի ցանկապատից դուրս ընդհանուր օգտագործման տարածքների աղտոտման՝ ապահովված չէ շինարարական հրապարակի և դրան հարակից ընդհանուր օգտագործման տարածքի սահմանադրական վիճակը մաքրությունը: Կառուցապատող Դավիթ Քաջիկի Ահարոնյանի կողմից ապահովված չէ Երևան քաղաքի ավագանու 16.03.2012թ. N 405-Ն որոշմամբ հաստատված կարգի 6-րդ կետի 4-րդ, 7-րդ կետի 4-րդ, 7-րդ ենթակետերով սահմանված պայմանները:

Կառուցապատող Դավիթ Քաջիկի Ահարոնյանի կողմից թույլ է տրվել Օրենսգրքի 157.15-րդ հոդվածի 3-րդ մասով նախատեսված վարչական իրավախախտում:

Հաշվի առնելով, որ կառուցապատող Դավիթ Քաջիկի Ահարոնյանը կամ վերջինիս լիազորված անձ Արմեն Քաջիկի Ահարոնյանը չեն ներկայացել գործի քննությանը, որի շրջանակներում հնարավորություն ունեին ներկայացնելու բացատրություններ և պարզաբանումներ՝ իրավախախտման հետևանքների վերացրած լինելու մասին, որի վերաբերյալ չի ներկայացրել նաև որևէ գրավոր դիրքորոշում, ինչպես նաև հետզոտելով գործում առկա բոլոր նյութերը, հետևում է, որ տվյալ դեպքում առկա չէ վարչական իրավախախտման համար պատասխանատվությունը մեղմացնող հանգամանքը:

2. Վարչական ակտ ընդունելու հիմնավորումը.

Օրենսգրքի 9-րդ հոդվածի համաձայն՝ Վարչական իրավախախտում (զանցանք) է համարվում պետական կամ հասարակական կարգի, սոցիալիստական սեփականության, քաղաքացիների իրավունքների և ազատությունների, կառավարման սահմանված կարգի դեմ ոտնձգվող հակաիրավական, մեղավոր (ղիտավորյալ կամ անզգույշ) այնպիսի գործողությունը կամ անգործությունը, որի համար օրենսդրությամբ նախատեսված է վարչական պատասխանատվություն:

Սույն օրենսգրքով նախատեսված իրավախախտումների համար վարչական պատասխանատվություն առաջանում է, եթե այդ խախտումները իրենց բնույթով քրեական պատասխանատվություն չեն առաջացնում գործող օրենսդրությամբ համապատասխան:

Օրենսգրքի 157.15-րդ հոդվածի 3-րդ մասի համաձայն՝ կառուցապատվող օբյեկտներում շինարարական հրապարակների տարանջատման ու սանիտարական վիճակի ապահովման պայմանները չպահպանելը առաջացնում է տուգանքի նշանակում՝ սահմանված նվազագույն աշխատավարձի յոթանասունապատիկից մինչև հարյուրապատիկի չափով:

Օրենքի 1-ին հոդվածի համաձայն՝ սույն օրենքը սահմանում է վարչարարության հիմունքները, կարգավորում է վարչական ակտեր ընդունելու, վարչական ակտերը, վարչական մարմինների գործողությունները և անգործությունը բողոքարկելու, վարչական ակտի կատարման, վարչական ծախսերի, ինչպես նաև վարչարարությամբ հասցված վնասի հատուցման հետ կապված՝ վարչական մարմինների և ֆիզիկական կամ իրավաբանական անձանց (այսուհետ՝ անձինք) միջև ծագած հարաբերությունները:

Օրենքի 49-րդ հոդվածի 1-ին մասի «բ» կետի համաձայն՝ վարչական մարմինը պարտավոր է կասեցնել վարչական վարույթը, եթե վարույթին չի ներկայացել վարչական ակտի հասցեատերը, իսկ օրենքը բացառում է առանց նրա ներկայության համապատասխան վարչական ակտ ընդունելը:

Օրենքի 49-րդ հոդվածի 3-րդ մասի համաձայն՝ սույն հոդվածի 1-ին մասի «բ» և «գ» կետերով, ինչպես նաև 2-րդ մասով նախատեսված դեպքերում վարչական վարույթը վերսկսվում է դրա կասեցման հիմք դարձած հանգամանքները վերանալուց հետո, բայց ոչ ուշ, քան կասեցման մասին որոշում ընդունելու օրվանից հետո 60 օրը լրանալը:

Ելնելով վերոգրյալից և ղեկավարվելով Օրենսգրքի 23-րդ հոդվածի 2-րդ կետով, 34-րդ հոդվածով, 157.15-րդ հոդվածի 3-րդ մասով, Օրենքի 49-րդ հոդվածի 1-ին մասի «բ» կետով, 3-րդ մասով, 252-րդ, 219.1-րդ, 281-րդ և 282-րդ հոդվածներով, Երևանի քաղաքապետի 14.02.2020 թվականի թիվ 460-Ա որոշմամբ՝

ՈՐՈՇԵՑԻ

1. Կառուցապատող Դավիթ Քաջիկի Ահարոնյանի նկատմամբ 14.10.2020 թվականի հ. Վ-41/30 որոշմամբ կասեցվեա՞ծ վարչական վարույթը վերսկսել:

2. Կառուցապատող Դավիթ Քաջիկի Ահարոնյանին Օրենսգրքի 157.15-րդ հոդվածի 3-րդ մասով ենթարկել վարչական պատասխանատվության՝ նշանակելով վարչական տույժ 100.000 (մեկ հարյուր հազար) ՀՀ դրամ գումարի չափով:

3. Օրենսգրքի 305-րդ հոդվածի համաձայն տուգանքը պետք է վճարվի սույն որոշումը իրավախախտում կատարած անձի կողմից ստանալուց ոչ ուշ, քան տասնհինգ օրվա ընթացքում՝ կենտրոնական զանապետարանի N 900015211239 հաշվին:

4. Սույն որոշումը կարող է բողոքարկվել վարչական կարգով՝ որոշումն ուժի մեջ մտնելուց հետո երեսուն օրվա ընթացքում, իսկ դատական կարգով՝ երկամսյա ժամկետում:

ԵՐԵՎԱՆԻ ՔԱՂԱՔԱՊԵՏԱՐԱՆԻ
ԱՇԽԱՏԱԿԱԶՄԻ ՎԱՐՉԱԿԱՆ
ԻՐԱՎԱՆԱԽՏՈՒՄՆԵՐԻ ՎԵՐԱԲԵՐՅԱԼ
ԳՈՐԾԵՐԻ ՔՆՆՈՒԹՅԱՆ ԲԱԺԻ
ԳԼԽԱՎՈՐ ՄԱՍՆԱԳԵՏ՝



ՎԱՂԻՆԱԿ ԱՆԱՆՅԱՆ